



Broj: 12-14-105-1/19

Sarajevo, 21.01.2019. godine

Na osnovu člana 70. Zakona o javnim nabavkama ("Službeni glasnik BiH", broj: 39/14) i preporuke Komisije za provođenje postupka javne nabavke usluga hotelskog smještaja za potrebe Ureda za reviziju institucija u Federaciji Bosne i Hercegovine za budžetsku 2019. godinu, generalni revizor, d o n o s i

ODLUKU

o izboru najpovoljnijeg ponuđača za usluge hotelskog smještaja u Sarajevu i Mostaru

I

Nakon provedenog postupka javne nabavke usluga hotelskog smještaja za potrebe Ureda za reviziju institucija u Federaciji Bosne i Hercegovine za budžetsku 2019. godinu, ugovor za nabavku usluga hotelskog smještaja u Sarajevu-LOT 1 dodjeljuje se ponuđaču: EUROPA d.d. Sarajevo-Podružnica Hotel Holiday Sarajevo, a ugovor za nabavku usluga hotelskog smještaja u Mostaru-LOT 2 dodjeljuje se ponuđaču „HOTEL MOSTAR“ d.o.o. Mostar.

II

Zadužuje se Odjeljenje za pravne i opće poslove i ljudske resurse, da o rezultatima provedenog postupka javne nabavke obavijesti ponuđače, a istovremeno ovu odluku objavi na web-stranici Ureda za reviziju institucija u Federaciji Bosne i Hercegovine, www.vrifbih.ba.

III

Nakon sticanja uslova, Ugovorni organ će pozvati izabrane dobavljače iz tačke I ove Odluke radi zaključenja ugovora.

Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) je Odlukom broj 12-14-2219-1 /18 od 04.12.2018. godine, pokrenuo postupak javne nabavke usluga hotelskog smještaja za potrebe Ureda za reviziju institucija u Federaciji Bosne i Hercegovine za budžetsku 2019. godinu i to usluge hotelskog smještaja u Sarajevu- LOT 1 i usluge hotelskog smještaja u Mostaru-LOT 2.

U skladu sa odredbama člana 8. Zakona o javnim nabavkama Bosne i Hercegovine („Službeni glasnik BiH“ broj 39/14, u daljem tekstu: Zakon) i odredbama Pravilnika o postupku dodjele ugovora o uslugama iz Aneksa II dio B Zakona o javnim nabavkama („Službeni glasnik BiH“ broj 66/16, u daljem tekstu: Pravilnik), Poziv za dostavljanje ponuda za izbor najpovoljnijeg ponuđača za pružanje usluga hotelskog smještaja u Sarajevu-LOT 1 i usluge hotelskog smještaja u Mostaru-LOT 2, objavljen na web stranici Ugovornog organa dana, 13.12.2018. godine, te upućen na tri adrese po svakom LOT-u.

Postupak je provela Komisija imenovana Rješenjem generalnog revizora broj: 12-14-2220-1/18 od 04.12.2018. godine, koja je o istom sačinila: Zapisnik o zaprimanju ponuda broj: 12-14-2220-9/18 od 27.12.2018. godine, Zapisnik o otvaranju ponuda broj: 12-14-2220-10/18 od 27.12.2018. godine, Tabelarni pregled cijena ponuda u postupku javne nabavke putem poziva za dostavljanje ponuda za izbor najpovoljnijeg ponuđača za nabavku usluga hotelskog smještaja za budžetsku 2019. godinu, Analitički prikaz traženih i dostavljenih dokumenata-Kvalifikacija ponuđača, broj: 12-14-2220-12/18 od 27.12.2018. godine i Zapisnik o pregledu i ocjeni ponuda broj: 12-14-2220-13/18 od 28.12.2018. godine.

U postupku pregleda i ocjene ponuda utvrđeno je da:

- U predmetnom postupku nabavke i nadmetanju, Ugovornom organu četiri ponuđača su dostavila ponude za usluge hotelskog smještaja u Sarajevu - LOT 1 i to : TAREQ Hospitality d.o.o. Sarajevo, EUROPA d.d. Sarajevo-Podružnica Hotel Holiday Sarajevo, Braća Mujić Export-Import d.o.o. Sarajevo, Privredno društvo ZOOM Travel d.o.o. Sarajevo, a tri ponuđača su dostavila ponude za usluge hotelskog smještaja u Mostaru -

LOT 2 i to: Hotel Mostar d.o.o. Mostar, Hetmos „Mostar-hoteli“ d.d. Mostar i ., Privredno društvo ZOOM Travel d.o.o. Sarajevo.

- da ponuda ponuđača ZOOM TRAVEL d.o.o. Sarajevo d.o.o. nije prihvatljiva za LOT 1 i LOT 2 iz razloga što ponuđač nije dostavio izjave ovjerene od strane nadležnog organa kako je traženo TD, i to: Pismenu izjavu o ispunjavanju uslova iz člana 45. Stav (1) tačka a), b), c) i d) Zakona –Aneks III; Pismenu izjavu o ispunjavanju uslova iz člana 48. stav (6) i člana 50. stav (1) tačka e) Zakona –Aneks IV i Pismenu Izjavu o ispunjavanju uslova iz člana 52. Zakona o javnim nabavkama-Aneks V, te nije dostavio nacrt ugovora, što je prilog Aneksa II. Također nije numerisao sve strane ponude u skladu sa tačkom 5.1 TD, a hotel New Hotel kojeg nudi ponuđač Zoom Travel za Lot 1, ne nalazi se na području grada Sarajeva (tačka 2.1. Tenderske dokumentacije), već na području Općine Ilidža. Obzirom da ponuđač nije dostavio dokaze o ispunjavanju kvalifikacionih uvjeta i da ponuda nije potpuna i ne ispunjava zahtjeve iz tenderske dokumentacije, ugovorni organ dužan je odbaciti ponudu u skladu sa članom 68. st. (4) tačka i) Zakona o javnim nabavkama.
- da ponuda ponuđača Tareq Hospitality d.o.o. (adresa: Džemala Bijedića 169a), nije prihvatljiva jer ponuđač nije dostavio ponudu u skladu sa tačkom 5.1. Tenderske dokumentacije prema kojoj svi listovi ponude moraju biti čvrsto uvezani na način da se onemogućí naknadno vađenje ili umetanje listova (ponuda mora biti ukoričena u knjigu ili ponuda osigurana jemstvenikom). Ugovorni organ dužan je u skladu sa članom 68. stav (4) tačka i) predmetnu ponudu odbaciti, jer ponuda ne ispunjava zahtjeve tražene tenderskom dokumentacijom.
- da ponuda ponuđača Hetmos Mostar Hoteli d.d. (adresa: Mostarskog bataljona b.b.) nije prihvatljiva, jer ponuđač nije dostavio ponudu u skladu sa tačkom 5.1. Tenderske dokumentacije prema kojoj svi listovi ponude moraju biti čvrsto uvezani na način da se onemogućí naknadno vađenje ili umetanje listova (ponuda mora biti ukoričena u knjigu ili ponuda osigurana jemstvenikom). Ugovorni organ dužan je u skladu sa članom 68. stav (4) tačka i) predmetnu ponudu odbaciti, jer ponuda ne ispunjava zahtjeve tražene tenderskom dokumentacijom.
- da ponuda ponuđača „Braća Mujić export import“ d.o.o. nije prihvatljiva jer ponuđač ne ispunjava uslov zahtjevan u tački 2.1 Tenderske dokumentacije prema kojoj su predmet nabavke bile usluge smještaja na području grada Sarajeva i Mostara. S obzirom da se hotel BM ne nalazi na području grada Sarajeva, već na području Općine Ilidža, ponuda ne ispunjava zahtjeve iz tenderske dokumentacije, te je Ugovorni organ dužan odbaciti ponudu u skladu sa članom 68. st. (4) tačka i) Zakona o javnim nabavkama.
- ponuđači Europa d.d. Hotel Holiday Sarajevo i Hotel Mostar d.o.o. su kvalificirani ponuđači i ponude su prihvatljive.
- sa kvalificiranim ponuđačima su provedeni pregovori u skladu sa Tenderskom dokumentacijom.
- ocjenom ponuda kvalificiranih ponuđača primjenom kriterija najniža cijena Komisija je predložila ponude najpovoljnijih ponuđača po LOT-ovima i to: za pružanje usluga hotelskog smještaja u Sarajevu –LOT 1 za potrebe Ugovornog organa za 2019. godinu ponudu ponuđača: EUROPA d.d. Sarajevo-Podružnica Hotel Holiday Sarajevo, a za pružanje usluga hotelskog smještaja u Mostaru-LOT 2 ponudu ponuđača: Hotel Mostar d.o.o. Mostar.

Na prijedlog Komisije Ugovorni organ je donio Odluku kao u dispozitivu.

Pouka o pravnom lijeku: Protiv ove Odluke dozvoljena je žalba. Žalba se može izjaviti Ugovornom organu u pisanoj formi direktno, elektronskim putem ili preporučenom poštanskom pošiljkom u dovoljnom broju primjeraka koji ne može biti manji od tri, u roku od 10 dana od dana prijema ove Odluke.

Dostaviti:

1. TAREQ Hospitality d.o.o. Sarajevo
2. EUROPA d.d. Sarajevo-Podružnica Hotel Holiday Sarajevo
3. Braća Mujić Export-Import d.o.o. Sarajevo
4. Privredno društvo ZOOM Travel d.o.o. Sarajevo
5. Hotel Mostar d.o.o. Mostar
6. Hetmos „Mostar-hoteli“ d.d. Mostar
7. a/a



GENERALNI REVIZOR

Dževad Nekić, dipl.oec.